

PERUTUSAN KETUA PENGARAH KESELAMATAN KERAJAAN SEMPENA MENYAMBUT RAMADAN 1439 AL MUBARAK

Bismillahirrahmanirrahim

Assalamualaikum warahmatullahi wabarakatuh dan Salam sejahtera,

Warga Pejabat Ketua Pegawai Keselamatan Kerajaan Malaysia dan pegawai kader yang dikasihi,

Saya mengambil kesempatan dengan kedatangan Ramadhan 1439 Hijrah ini untuk mengucapkan selamat menjalani ibadah puasa kepada semua warga kerja Pejabat ini dan warga kader yang beragama Islam. Sememangnya ibadah puasa dapat melatih kita supaya sentiasa bersabar dalam menghadapi sebarang cabaran dalam kehidupan seharian. Bahkan, puasa juga melatih kita agar sentiasa menepati masa, berdisiplin, dan menjaga kualiti kerja sepertimana kita menjaga kualiti puasa kita.

Kehadiran bulan yang penuh keberkatan, saya menyeru agar kita memanfaatkan setiap detik dan hari dengan meningkatkan amalan-amalan berfaedah. Amalan-amalan itu mestilah dilaksanakan dengan penuh keikhlasan dan keinsafan termasuk muhasabah diri demi keredaan Allah SWT.

Amalan bersedekah amat digalakkan. Disamping ianya mengajar sifat bantu membantu dikalangan saudara seagama dan masyarakat, ianya mampu merapatkan ukhwah dikalangan kita semua.

Akhir kata, marilah kita bersama-sama memanfaatkan sepenuhnya fadilat di bulan yang mulia ini agar ianya dijadikan motivasi dalam meneruskan amalan-amalan yang dilakukan. Semoga segala amalan kita akan dikurniakan ganjaran sewajarnya daripada Allah SWT. Saya mendoakan agar kita semua diberi kekuatan, hidayah dan inayahNya untuk meningkatkan ilmu, amal dan taqwa di bulan Ramadan ini dan akhir kalam saya ingin mengucapkan Selamat Berpuasa.

Sekian, terima kasih.

Wabillahi Taufik Wal Hidayah,